

АКАФИСТ СЛАДЧАЙШЕМУ ГОСПОДУ НАШЕМУ ИИСУСУ ХРИСТУ

Кондак 1, глас 8

Возбранный Воевода и Господи, а́да Победителю, яко избавлься от вѣчныя смѣрти, похвальная восписую Ти, создание и раб Твой; но яко имѣяи милосѣрдие неизреченное, от всяких мя бед свободи, зовуща:

Иисусе, Сыне Божий, помилуй мя.

Икос 1

А́нгелов Творче и Господи Сил, отвѣрзи ми недоуменный ум и язык на похвалу пречистаго Твоего имени, якоже глухому и гугнивому древле слух и язык отвѣрзл еси, и глаголаше зовыйи таковая:

Иисусе пречудный, Ангелов удивление;

Иисусе пресильный, прародителей избавление.

Иисусе пресладкий, патриархов величание;

Иисусе преславный, царей укрепление.

Иисусе прелюбимый, пророков исполнение;

Иисусе предивный, мучеников крепосте.

Иисусе претихий, монахов радости;

Иисусе премилостивый, пресвитеров сладосте.

Иисусе премилосердый, постников воздержание;

Иисусе пресладостный, преподобных радование.

Иисусе пречестный, девственных целомудрие;

Иисусе предвечный, грешников спасение.

Иисусе, Сыне Божий, помилуй мя.

Кондак 2

Видя вдовицу зельне плачущу, Господи, якоже бо тогда умилисердився, сына ея на погребение несома воскресил еси: сице и о мне умилисердився, Человеколюбче, и грехми умерщвленную мою душу воскреси, зовущую: **Аллилуйя**.

Икос 2

Разум неразуменный разумети Филипп ища, Господи, покажи нам Отца, глаголаше; Ты же к нему: толикое время сый со Мною, не познал ли еси, яко

Отѣц во Мнѣ, и Аз во Отцѣ есмь? Тѣмже, Неизслѣдованне, со страхом зову
 Ти:

Иисусе, Бóже предвѣчный;
 Иисусе, Царю пресильный.
 Иисусе, Владыко долготерпелывый;
 Иисусе, Спасе премилостивый.
 Иисусе, Хранителю мой преблагый;
 Иисусе, очисти грехи моя.
 Иисусе, отыми беззакония моя;
 Иисусе, отпусти неправды моя.
 Иисусе, надеждо моя, не остави мене;
 Иисусе, Помощниче мой, не отрини мене.
 Иисусе, Создателю мой, не забуди мене;
 Иисусе, Пастырю мой, не погуби мене.
 Иисусе, Сыне Бóжий, помилуй мя.

Кондак 3

Силою свѣше апóстолы облекый, Иисусе, во Иерусалиме седящия, облецы
 и мене, обнаженнаго от всякаго благодворения, теплотою Духа Святаго
 Твоего, и даждь ми с любовью пѣти Тебѣ: Аллилуия.

Икос 3

Имеяй богатство милосердия, мытари и грешники, и неверныя призвал
 еси, Иисусе; не презри и мене ныне, подобнаго им, но яко многоценное миро,
 прими песнь сию:

Иисусе, сила непобедимая;
 Иисусе, милосте безконечная.
 Иисусе, красотó пресветлая;
 Иисусе, любви неизреченная.
 Иисусе, Сыне Бóга Живаго;
 Иисусе, помилуй мя грешнаго.
 Иисусе, услыши мя, в беззакониих зачатаго;
 Иисусе, очисти мя, во гресех рожденнаго.
 Иисусе, научи мя непотребнаго;
 Иисусе, освети мя темнаго.
 Иисусе, очисти мя сквернаго;
 Иисусе, возведи мя блуднаго.

Иисусе, Сыне Божий, помилуй мя.

Кондак 4

Бурю внутрь имейя помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго, и руку спасения получив, рече: **Аллилуия**.

Икос 4

Слыша слепый мимоходяща Тя, Господи, путем, вопияше: Иисусе, Сыне Давидов, помилуй мя! И призвав, отверзл еси очи его. Просвети убо милостию Твоею очи мысленныя сердца и мене, вопиющая Ти и глаголюща:

Иисусе, вышних Создателю;

Иисусе, нижних Искупителю.

Иисусе, преисподних Потребителю;

Иисусе, всея твари Украсителю.

Иисусе, души моея Утешителю;

Иисусе, ума моего Просветителю.

Иисусе, сердца моего веселие;

Иисусе, тела моего здравие.

Иисусе, Спасе мой, спаси мя;

Иисусе, свете мой, просвети мя.

Иисусе, муки всякия избави мя;

Иисусе, спаси мя недостойнаго.

Иисусе, Сыне Божий, помилуй мя.

Кондак 5

Боготочною Кровию, якоже искупил еси нас древле от законныя клятвы, Иисусе, сице изми нас от сети, еюже змий запят ны страстьми плотскими, и блудным наваждением, и злым унынием, вопиющая Ти: **Аллилуия**.

Икос 5

Видевше отроцы еврейстии во образе человечестем Создавшаго рукою человека, и Владыку разумевше Его, потщашася ветвями угодили Ему, осанна вопиюще. Мы же песнь приносим Ти, глаголюще:

Иисусе, Боже истинный;

Иисусе, Сыне Давидов.

Иисусе, Царю преславный;

Иисусе, Агнче непорочный.

Иису́се, Па́стырю предивный;
 Иису́се, Храни́телю во мла́дости моёй.
 Иису́се, Корми́телю во ю́ности моёй;
 Иису́се, похвало́ в ста́рости моёй.
 Иису́се, наде́жду в сме́рти моёй;
 Иису́се, животе́ по сме́рти моёй.
 Иису́се, утеше́ние моё на Суде́ Твоём;
 Иису́се, жела́ние моё, не посрами́ мене́ тогда́.
 Иису́се, Сы́не Бо́жий, поми́луй мя.

Кондак 6

Пропове́дник богонóсных веща́ние и глаго́лы исполня́я, Иису́се, на земли́ явля́ся, и с челове́ки Невмести́мый пожи́л еси́, и боле́зни на́ша подъя́л еси́. Отню́дуже ра́нами Твои́ми мы исцеле́вше, пе́ти навько́хом: Аллилу́ия.

Икос 6

Возсия́ вселе́нней просвеще́ние и́стины Твоея́, и отгна́ся лествь бесо́вская: и́доли бо, Спа́се наш, не терпя́ще Твоея́ крѣпости, падо́ша. Мы же, спасе́ние получи́вше, вопие́м Ти:

Иису́се, и́стино, лествь отгоня́ющая;
 Иису́се, све́те, превы́шший всех све́тлостей.
 Иису́се, Царю́, премога́яй всех крѣпости;
 Иису́се, Бо́же, пребыва́яй в ми́лости.
 Иису́се, Хле́бе живóтный, насы́ти мя а́лчущаго;
 Иису́се, исто́чнице ра́зума, напо́й мя жа́ждущаго.
 Иису́се, оде́ждо весе́лия, оде́й мя тле́ннаго;
 Иису́се, покрóве ра́дости, покрый́ мя недостóйнаго.
 Иису́се, Подáтелю прося́щим, даждь ми плач за грехи́ моя́;
 Иису́се, обрѣ́тение и́щущих, обря́щи ду́шу мою́.
 Иису́се, Отве́рзителю толку́щим, отве́рзи се́рдце моё ока́янное;
 Иису́се, Иску́пителю грѣ́шных, очисти́ беззакóния моя́.
 Иису́се, Сы́не Бо́жий, поми́луй мя.

Кондак 7

Хотя́ сокровѣ́нную та́йну от ве́ка открýти, я́ко овча́ на заколе́ние ведѣ́н был еси́, Иису́се, и я́ко а́гнец пря́мо стригу́щаго его́ безгла́сен, и я́ко Бог из

мёртвых воскресл еси́, и со славою на Небеса́ вознёслся еси́, и нас совоздвѣгл еси́, зову́щих: Аллилу́ия.

Икос 7

Дѣвную показá тварь явлѣйся Творецъ нам: без се́мене от Дѣвы воплотѣся; из гроба́, печáти не руши́в, воскресе; и ко апóстолом двѣрем затворѣнным с плóтию внѣде. Темже чудя́щися, воспойм:

Иисúсе, Сло́ве необы́менный;
Иисúсе, Сло́ве несогладáемый.
Иисúсе, сѣло непостижѣмая;
Иисúсе, мýдросте недомы́слимая.
Иисúсе, Божество́ неопѣсанное;
Иисúсе, господство́ неисчѣтное.
Иисúсе, ца́рство непобедѣмое;
Иисúсе, влады́чество безконѣчное.
Иисúсе, крѣпосте высочáйшая;
Иисúсе, вла́сте вѣчная.
Иисúсе, Творче мой, ущѣдри мя;
Иисúсе, Спасе мой, спасѣ мя.
Иисúсе, Сы́не Божий, помѣлуй мя.

Кондак 8

Стрáнно Бóга вочеловѣчшася видя́ще, устрани́мся сýетнаго мѣра, и ум на Божѣственная возложѣм: сегó бо рáди Бог на зѣмлю снѣде, да нас на Небеса́ возведѣт, вопио́щих Емú: Аллилу́ия.

Икос 8

Весь бе в нѣжных, и вѣшних ника́коже отступѣи́ Неисчѣтны́й, егда́ волею нас рáди пострадá, и смѣртию Своѣю нáшу смѣрть умертвѣи, и Воскресѣнием живóт даровá пою́щим:

Иисúсе, слáдосте сердѣчная;
Иисúсе, крѣпосте телѣсная.
Иисúсе, свѣтлосте душѣвная;
Иисúсе, быстротó умная.
Иисúсе, радосте со́вестная;
Иисúсе, надѣждо извѣстная.
Иисúсе, пáмяте предвѣчная;

Иисусе, похвало́ высо́кая.

Иисусе, сла́во моя́ превознесённая;

Иисусе, желáние моё, не отрини мене́.

Иисусе, Па́стырю мой, взыщí мене́;

Иисусе, Спа́се мой, спасí мене́.

Иисусе, Сы́не Божий, помíлуй мя.

Кондак 9

Все естество́ А́нгельское безпрестáни сла́вит пресвятóе имя́ Твое́, Иисусе, на Небесí, Свят, Свят, Свят, вопи́юще; мы же грéшнии на земл́и брénными устна́ми вопи́ем: Аллилу́ия.

Икос 9

Вет́ия многовещáнная я́коже ры́бы безгласныя в́идим о Тебé, Иисусе, Спа́се наш: недоумéют бо глаго́лати, ка́ко Бог непрелóжный, и Человéк совершённый пребывáеши? Мы же та́инству дивя́щися, вопи́ем вёрно:

Иисусе, Бо́же предв́ечный;

Иисусе, Царю́ царствующи́х.

Иисусе, Влады́ко владе́ющих;

Иисусе, Суди́е живы́х и мёртвых.

Иисусе, надéжду ненадéжных;

Иисусе, утешéние пла́чущих.

Иисусе, сла́во ни́щих;

Иисусе, не осудí мя по делóм мо́им.

Иисусе, очисти́ мя по м́лости Твое́й;

Иисусе, отженí от мене́ уны́ние.

Иисусе, просветí моя́ мы́сли сердéчныя;

Иисусе, даждь ми па́мять смёртвую.

Иисусе, Сы́не Божий, помíлуй мя.

Кондак 10

Спасти́ хотя́ мир, Востóче востóком, к тёмному́ за́паду, естеству́ нашему́, пришéд, смири́лся еси́ до смёрти; тёмже превознесéся имя́ Твое́ па́че вся́кого́ имене́, и от всех колéн Небéсных и земны́х слы́шиши: Аллилу́ия.

Икос 10

Царю́ Превéчный, Утешителю́, Христé истинный, очисти́ ны от вся́кия сквёрны, я́коже очисти́л еси́ дéсять прокажённых, и исцели́ ны, я́коже

исцелил еси сребролюбивую душу Закхея мытаря, да вопием Ти, во умилении зовуще:

Иисусе, сокровище нетленное;
Иисусе, богатство неистощимое.
Иисусе, пища крепкая;
Иисусе, питье неисчерпаемое.
Иисусе, нищих одеяние;
Иисусе, вдов заступление.
Иисусе, сирых Защитниче;
Иисусе, труждающихся помощию.
Иисусе, странных Наставниче;
Иисусе, плавающих Кормчий.
Иисусе, бурных отишие;
Иисусе Боже, воздвигни мя падшаго.
Иисусе, Сыне Божий, помилуй мя.

Кондак 11

Пение всеумиленное приношу Ти недостойный, вопию Ти, яко хананея: Иисусе, помилуй мя, не дщерь бо, но плоть имам, страстьми люте бесящуюся и яростию палимую, и исцеление даждь вопиющу Ти: Аллилуйя.

Икос 11

Светоподательна светильника сущим во тьме неразумия, прежде гоняй Тя Павел, богоразумнаго гласа силу внуши, и душевную быстроту уясни; сие и мене темныя зеницы душевныя просвети, зовуща:

Иисусе, Царю мой прекрепкий;
Иисусе, Боже мой пресильный.
Иисусе, Господи мой пребезсмертный;
Иисусе, Создателю мой преславный.
Иисусе, Наставниче мой предобрый;
Иисусе, Пастырю мой прещедрый.
Иисусе, Владыко мой премилостивый;
Иисусе, Спасе мой премилосердый.
Иисусе, просвети моя чувства, потемненная страстьми;
Иисусе, исцели мое тело, острувленное грехми.
Иисусе, очисти мой ум от помыслов суетных;
Иисусе, сохрани сердце мое от похотей лукавых.

Иисусе, Сыне Божий, помилуй мя.

Кондак 12

Благодать подаждь ми, всех долгов Решителю, Иисусе, и приими мя кающаяся, якоже приял еси Петра, отвергшагося Тебе, и призови мя унывающего, якоже древле Павла, гоняща Тя, и услыши мя, вопиющего Ти: Аллилуия.

Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяи со Отцем, и хотяи судити живым и мертвым. Тогда убо сподоби мя деснаго стояния, вопиющего:

Иисусе, Царю предвечный, помилуй мя;

Иисусе, цвете благовонный, облагоухай мя.

Иисусе, теплото любимая,огрей мя;

Иисусе, храме предвечный, покрый мя.

Иисусе, одеждо светлая, украси мя;

Иисусе, бисере честный, осияй мя.

Иисусе, камению драгий, просвети мя;

Иисусе, солнце правды, освети мя.

Иисусе, свете святей, облистай мя;

Иисусе, болезни душевныя и телесныя избави мя.

Иисусе, из руки сопротивныя изми мя;

Иисусе, огня неугасимаго и прочих вечных мук свободи мя.

Иисусе, Сыне Божий, помилуй мя.

Кондак 13

О пресладкий и всещедрый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплеменик, от недуга и глады, от всякия скорби и смертоносныя раны, и грядущия изми муки всех, вопиющих Ти: Аллилуия, аллилуия, аллилуия.

Этот кондак читается трижды.

Затем:

Икос 1

А́нгелов Тво́рче и Го́споди Сил, отве́рзи ми недоуме́нный ум и язы́к на похвалу́ пречи́стаго Твоего́ и́мене, я́коже глухо́му и гугни́вому дре́вле слух и язы́к отве́рзл еси́, и глаго́лаше зовы́й тако́вая:

Иису́се пречу́дный, А́нгелов удивле́ние;
Иису́се преси́льный, прароди́телей избавле́ние.
Иису́се пресла́дкий, патриа́рхов велича́ние;
Иису́се пресла́вный, ца́рей укрепле́ние.
Иису́се прелюби́мый, проро́ков исполне́ние;
Иису́се предивны́й, му́чеников кре́посте.
Иису́се прети́хий, мона́хов ра́досте;
Иису́се премило́стивый, пресви́теров сла́досте.
Иису́се премило́сёрдый, по́стников воздержа́ние;
Иису́се пресла́достный, преподо́бных ра́дование.
Иису́се пречестны́й, де́вственных целому́дрие;
Иису́се предвече́ный, грешников спасе́ние.
Иису́се, Сы́не Бо́жий, поми́луй мя.

Кондак 1

Возбра́нный Воево́до и Го́споди, а́да Победи́телю, я́ко изба́влься от вечно́я сме́рти, похва́льная воспису́ю Ти, создáние и раб Твой; но я́ко имейя́ милосе́рдие неизрече́нное, от вся́ких мя бед свободи́, зову́ща:

Иису́се, Сы́не Бо́жий, поми́луй мя.

Молитва ко Господу нашему Иисусу Христу

Влады́ко Го́споди Иису́се Христэ́ Бо́же мой, И́же неизрече́ннаго ра́ди Твоего́ человеколю́бия на коне́ц веко́в во плоть оболкй́ся от Присноде́вы Мари́и! Сла́влю о мне Твое́ спаси́тельное промы́сление, раб Твой, Влады́ко; песносло́влю Тя, я́ко Тебе́ ра́ди Отца́ позна́х; благословлю́ Тя, Егóже ра́ди и Дух Святы́й в мир при́иде; поклоня́юсь Твое́й по плóти Пречи́стей Ма́тери, тако́вей стра́шней та́йне послуживше́й; восхваля́ю Твоя́ А́нгельская ликостоя́ния, я́ко воспевáтели и служите́ли Твоего́ вели́чества; ублажа́ю Предте́чу Иоáнна, Тебе́ крестивша́го, Го́споди; почита́ю и провозвестивши́я Тя проро́ки; прославля́ю апóстолы Твоя́ святы́я; торжеству́ю же и му́ченики; священни́ки же Твоя́ сла́влю; поклоня́юсь преподо́бным Твои́м; и вся Твоя́ пра́ведники пестунствую. Тако́ваго и то́лько мно́гаго и неизрече́ннаго ли́ка

Божественнаго в молитву привожду Тебе, всещедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки. **Аминь.**